

CONVOCATORIA para a subvención do Plan de Mantemento e Impulso da Actividade Económica no termo municipal de Ferrol con motivo da crise económica provocada polo Covid_19 (PAME 3) dirixida aos sectores da restauración e hospedaxe, ocio nocturno, comercio local e cultura.

No marco das Bases reguladoras para a *subvención do Plan de Mantemento e Impulso da Actividade Económica no termo municipal de Ferrol con motivo da crise económica provocada polo Covid_19 (PAME 3)* aprobadas polo Concello-Pleno o 29/12/2020 e na sesión do 14/01/2021 a súa modificación publicadas no BOP núm. 12 do 20 de xaneiro de 2021.

1.- Créditos presupostarios

A contía destinada a atender esta liña de subvención ascende a un importe total de 1.000.000€.

A distribución da contía será da forma seguinte:

- Sectores da Restauración/hospedaxe, ocio nocturno e comercio local: 800.000€
- Sector Cultural: 200.000€

No caso de que non se esgote o crédito asignado a un dos sectores, poderá empregarse en calquera dos outros até completar o importe total.

O financiamento destas axudas na súa contía inicial efectuaranse con cargo aos orzamentos municipais do exercicio 2021 na aplicación orzamentaria **02104-2413-47001 201Cov03**.

Tendo en conta que o procedemento se iniciou no exercicio 2020, onde se realizou a oportuna retención de crédito nº 220108548 ref. 2479 na citada aplicación, que ten o carácter de incorporable, a efectiva dispoñibilidade do crédito necesario para a concesión das axudas subordínase á aprobación do correspondente expediente de incorporación de remanentes de crédito ou outra modificación que habilite a consignación suficiente, con carácter previo en todo caso á resolución da concesión, que queda sometida por tanto á condición suspensiva da efectiva dotación do crédito necesario para darlle cobertura.

Como se sinala no artigo 4 das bases reguladoras das axudas, fíxase ademais unha contía adicional que poderá alcanzar ata os 800.000,00 €, de acordo co disposto no artigo 58.2.a.4º) do Real Decreto 887/2006, de 21 de xullo. De acordo coa citada disposición, a aplicación desta contía á concesión de subvencións non requirirá dunha nova convocatoria.

No caso de consolidarse a contía adicional, o reparto gardará a mesma proporción anterior, coa mesma posibilidade de asignación entre sectores

De acordo co disposto no artigo 58.2.b) do Real Decreto 887/2006, de 21 de xullo, a efectividade da contía adicional queda condicionada á declaración de dispoñibilidade do crédito adicional e á previa aprobación da modificación orzamentaria que proceda, en todo caso previamente á resolución de concesión. A declaración de dispoñibilidade dos novos créditos debe publicarse polos mesmos medios que a convocatoria, antes da resolución de concesión, sen que tal publicidade implique a apertura de prazo para presentar novas solicitudes nin o inicio de novo cómputo de prazo para resolver.

2.- Obxecto e finalidade

Ten por obxecto establecer as normas específicas, no marco da Ordenanza Xeral de Subvencións deste Concello (BOP núm. 200 de 21/10/2019), polas que se rexerá a convocatoria pública das axudas e subvencións dirixidas aos sectores da restauración e hospedaxe, ocio nocturno, comercio local e cultura durante a anualidade 2021.

Para este fin establécese:

Liña única: Plan de Mantemento e Impulso da Actividade Económica no termo municipal de Ferrol con motivo da crise económica provocada polo Covi 19 (PAME 3)

Axuda 1.- Axudas para aboamento de cotas da seguridade social ou do réxime especial de traballadores autónomos.–O importe máximo por este concepto ascende á cantidade total de 2.000€.

Axuda 2.- Axudas para aboamento de alugueiros de locais e cotas de préstamos hipotecarios. O importe da subvención acadará ata un máximo de 1.500 € (IVE excluído)

O importe máximo de subvención por persoa beneficiaria, pola totalidade dos conceptos, será de 3.500€ As contías estarán condicionadas ao esgotamento do crédito da convocatoria.

3.- Modalidade de concesión

Réxime de concorrencia non competitiva.

4.- Requisitos para solicitar as subvencións

Poderán solicitar esta subvención aquelas persoas físicas ou xurídicas, así como as comunidades de bens, sociedades civís ou outras entidades económicas sen personalidade xurídica, legalmente constituídas que leven a cabo as actividades empresariais que motivan a concesión da subvención e que cumpran os seguintes requisitos:

- a) Que a súa actividade estea incluída nalgunha das agrupacións ou epígrafes correspondentes á clasificación do imposto de actividades económicas relacionadas no **anexo I**.
- b) Que a súa actividade se desenvolva no concello de Ferrol. Para aquelas actividades sen local determinado, deberán ter o seu domicilio fiscal no concello de Ferrol.
- c) Que teña una redución igual ou superior ao 20% da facturación realizada entre o 01 de marzo e o 31 de decembro de 2020 respecto ao mesmo período do ano 2019. No caso de non poder realizar a comparativa anterior terase en conta o período da actividade e xustificarse a través dunha declaración responsable.
- d) Que a actividade económica sexa desenvolvida por unha persoa autónoma, unha microempresa ou pequena empresa. A microempresa e as pequenas empresas son aquelas definidas conforme Anexo I do Regulamento (UE) nº 651/2014 da Comisión, de 17 de xuño de 2014.
- e) Estar dado de alta no réxime da Seguridade Social correspondente e en Facenda no momento da presentación da solicitude.
- f) Que sexan titulares dunha actividade económica ou profesional con anterioridade á declaración do estado de alarma (14 de marzo de 2020).
- g) Non atoparse incursas en ningunha das circunstancias recollidas no artigo 13.2 e 13.3 da Lei 38/2003, de 17 de novembro, Xeral de Subvencións, e non contravir o regulado no art. 14 da nomeada lei, e en particular, estar ao corrente no cumprimento das súas obrigas tributarias coa Facenda estatal (AEAT) e coa Tesouraría Xeral da Seguridade Social (TGSS). Este requisito debe cumprirse antes da resolución de concesión da subvención.
- h) Non ter débeda algunha pendente co Concello de Ferrol. Este requisito verificarase de oficio pola Administración e debe cumprirse antes da resolución de concesión da subvención.
- i) Ter xustificado calquera subvención que lle fose concedida con anterioridade polo Concello de Ferrol, sempre que tivese finalizado o correspondente prazo de xustificación.

j) En caso de comunidades de bens, sociedades civís ou outras entidades económicas sen personalidade xurídica debe nomearse un representante apoderado, con poderes bastantes para cumprir as obrigas que corresponden á agrupación ou comunidade de bens. Así mesmo, e nos termos previstos no artigo 11.3 LXS, a agrupación ou comunidade de bens non poderá disolverse ata que transcorra o prazo de prescrición a que fan referencia os artigos 39 e 65 LXS. Así mesmo, en caso de concesión da subvención, a resolución conterà as porcentaxes de participación das persoas integrantes na entidade beneficiaria, en función dos cales participarán nos dereitos e obrigas derivados do outorgamento da subvención, e no seu caso, do seu reintegro.

Quedan excluídas as administracións públicas, os seus organismos autónomos, as empresas públicas e outros entes públicos, así como as asociacións, fundacións e, en xeral, entidades sen ánimo de lucro así como o persoal autónomo colaborador.

En ningún caso o importe das axudas concedidas ao abeiro desta convocatoria poderán ser de tal contía que, illadamente o en concorrencia coas concedidas por outras administracións ou entes públicos ou privados, nacionais ou internacionais, supere o custo total dos gastos subvencionados.

5.- Órganos competentes para a instrucción e resolución do procedemento

O órgano competente para a instrucción do procedemento será o Negociado de Promoción Económica e Emprego.

O órgano competente para a resolución do procedemento será a concelleira delegada da Área de Economía, Facenda e Patrimonio, Recursos Humanos, Emprego, Promoción Económica, Turismo, Estatística e Edusi.

6.- Prazo de presentación de solicitudes

Presentación:	As solicitudes deberán dirixirse ao Negociado de Promoción Económica e Emprego e deberán presentarse obrigatoriamente por medios electrónicos a través da Sede Electrónica do Concello de Ferrol: – https://www.ferrol.gal:8443/cividas-core-web-ferrol/
Prazo:	20 días hábiles contados a partir do día seguinte ao da publicación do extracto da convocatoria no BOP de conformidade co procedemento establecido no art. 20.8 da Lei 38/2003, de 17 de novembro, Xeral de Subvencións.

7.- Prazo de resolución e notificación

A concesión das subvencións será aprobada por resolución da concelleira delegada da Área de Economía, Facenda e Patrimonio, Recursos Humanos, Emprego, Promoción Económica, Turismo, Estatística e Edusi.

Dispoñerase dun prazo máximo de seis meses a contar a partir do día seguinte á finalización do prazo de presentación das solicitudes para resolver e notificar o acordo.

8.- Documentación a presentar coa solicitude

As solicitudes deberán formularse nos **MODELOS NORMALIZADOS** para a obtención das subvencións que se poderán descargar na web do Concello de Ferrol <https://www.ferrol.gal/> e deberán acompañarse da documentación complementaria de conformidade co establecido na Base 9 das Bases reguladoras que acompañan a esta convocatoria.

9.- Valoración

Realizarase, unha avaliación individualizada comprobando que os solicitantes cumpren coa totalidade dos requisitos establecidos e tamén coa documentación recollida nas bases reguladoras e na convocatoria, tramitándose a súa concesión por estricto orde de rexistro de entrada (data e hora) das solicitudes.

10.- Notificación e publicación

A concesión das subvencións será aprobada por resolución da concelleira delegada da Área de Economía, Facenda e Patrimonio, Recursos Humanos, Emprego, Promoción Económica, Turismo, Estatista e Edusi trala formulación da proposta de concesión realizada pola unidade administrativa encargada da instrución á vista do informe da comisión avaliadora.

As subvencións concedidas de conformidade co disposto no art. 45 da Lei 39/2015 publicaranse para os efectos de notificación páxina Web municipal, a través do taboleiro anuncios electrónico do Concello así como na BDNS.

11.- Recursos

A resolución de concesión poñerá fin á vía administrativa e para os efectos da interposición dos recursos administrativos que procedan relizarse de conformidade co disposto na Lei 39/2015, de 1 de outubro, do procedemento administrativo común das administracións públicas.

Ferrol, na data da sinatura electrónica

A concelleira delegada da Área de Benestar Social e Patrimonio
Histórico. P.S. (Decreto da alcaldía do 20/01/2021)